

Script of Evening Gojri News Bulletin 16 November 2024 at 1700 Hrs

ایوننگ گو جری نیوز بلیٹن مورخہ 16 نومبر 2024

یوہ آکا شوانی جموں بے ظفر اقبال تے طارق ابرارتیں خبر سُنو۔ پہلاں خاص خاص خبر۔

*1. وزیر اعظم نریندر مودی نے کہیو بے جے سرکار لوکاں غی بھلائی بہتری تے ترقی غا کماں واسطے کم کر رہی بے۔

*2. لیفٹنٹ گورنر منوج سنہا نے باضابطہ طور جھڑی میلہ غو اج افتتاح کیو بے۔ جناب سنہا نے کہیو جے یوہ میلو بھارت غا اتحاد تے ثقافت غی عکاسی کرے۔

*3. لیفٹنٹ گورنر منوج سنہا نے کہیو بے جے جموں کشمیر مانہ جلد ہی پنچایتی تے بلدیاتی اداراں غا چناؤ کرایا جائیں گا۔

*4. تے بچہ مزدوری مخالف مہم اج ضلع سانبہ تے وجے پور مانہ چلائی گئی تے اس مہم غے تحت مزدوری کرن آلاچاں نانہہ مزدوری کرن توں بچایو گیو۔

خبران غی تفصیل نال پہلاں طارق ابرار۔

PM Modi

وزیر اعظم نریندر مودی نے اس گل ور زور دیتاں واں کہیو بے جے سرکار نے یوہ عزم لیو بے جے وہ سماجی میڈیا غا اس دور مانہ صحیح تے غلط معلومات پھیلان ور نظر رکھے۔ جناب مودی نے یہ گل اج اک لیڈر شپ اجلاس مانہ اک نجی میڈیا ادارہ مانہ لوکاں سنگ خطاب کرن غے دوران کہیں۔ وزیر اعظم نے مزید کہیو جے بی جے پی سرکار ووٹ بینک غی سیاست نہیں کرتی تے واہ لوکاں غی ترقی تے خوشحالی بارے کم کرن غو جذبہ رکھے۔ جناب مودی نے مزید کہیو جے مہاری سرکار ملک نانہہ ترقی یافتہ بنان بارے کم کر رہی بے۔ دہشت گردی بارے گل بات کرتاں واں جناب مودی نے کہیو جے اج وقت بدل گیو بے جے اج غا وقت مانہ دہشت گرد ہن اپنا آپ نانہہ بھارت مانہ محفوظ نہیں سمجھ رہیا۔ جناب مودی نے سال 2014 غا بجٹ بارے گل کرتاں واں کہیو جے اُس ویلے بجٹ 16 لکھ کروڑ تھو تے اج 48 لکھ کروڑ بے۔

Jhiri Mela

سالانہ جھڑی میلو جھڑو اک عظیم کسان بابا جیتو غی یا دمانہ منعقد وے اس میلہ غو باضابطہ طور ور افتتاح جموں کشمیر غا لیفٹنٹ گورنر منوج سنہا نے کیو بے۔ یوہ میلو ہر سال کا رتک مہینہ مانہ پورا چن آلے تہاڑے شروع وے اور جھڑی مانہ باوا جیتو غا مندراں مانہ پورے ہفتے چلتو رہ۔ جس مانہ دہلی، ہماچل پر دیش، ہریانہ اور پنجاب سنگ تعلق رکھن آلا باوا جیتو غا عقیدت مند حصو لیں۔ اس میلہ مانہ عقیدت مند باوا جیتو غی انصاف غی خاطر دتی گئی قربانی نانہہ یاد کریں۔ اس تیں علاوہ میلہ مانہ جموں خطہ غی رنگا رنگ ثقافت، مذہبی رسومات، ثقافتی پروگرام اور مقامی فنون غا نموناں غی وی عکاسی کی جائے۔ میلہ نانہہ بہتر ڈھنگ نال چلان غی خاطر انتظامیہ غی طرفوں سکیورٹی گا تگڑا انتظامات کیا گیا ہیں۔ جھڑی میلہ مانہ اک اجتماع سنگ خطاب کرتاں واں لیفٹنٹ گورنر منوج سنہا نے اس طرح کہیو۔۔۔ بانٹ۔۔۔

LG Sinha Election

لیفٹنٹ گورنر منوج سنہا نے کسانوں سے جھڑی میلہ کا عقیدت منداں کا اک اجتماع سنگ خطاب کرتاں واں کہیو جے وزیر اعظم نریندرمودی غی قیادت مانہہ حکومت ذریعی شعبہ مانہہ بہتر تبدیلی لیان واسطے پُر عزم ہے۔ لیفٹنٹ گورنر نے پی او جے کے تے مغربی پاکستان کا رفیوجاں، قبائلیاں، والمکی سماج تے دوجا کمزور طبقاں کا حقوق غی حفاظت کرن کا عزم ناہہ وی دہرایو۔ انہاں نے اعلان کیو جے پنچایتی تے بلدیاتی اداراں کا چناؤ تاولاں ہی کرایا جائیں گا۔ اس موقعہ و ر بولتاں واں لیفٹنٹ گورنر منوج سنہا نے اس طرح کہیو بانٹ۔۔

Gorinath Sarangi

گوری ناتھ جھیڑو کہ اڈھم پور سنگ تعلق رکھن آلو سارنگی فنکار ہے غو تذکرو وزیر اعظم نریندرمودی نے من کی بات پروگرام کا 115 واں شماره مانہہ کیو تھو۔ گوری ناتھ ناہہ اک صدی پُرانی سارنگی غے نال سامعین سنگ دسیو کیو تھو۔ جس غے ذریعی اس کا خاندانی پیشہ تے ڈوگرہ ثقافت غی عکاسی ہوئی۔ انہاں نے وزیر اعظم نریندرمودی تے وزیر مملکت ڈاکٹر جتندر سنگھ کولوں کُجھ دن پہلاں سارنگی ملن ور شکرپو ادا کیو ہے۔ اس مہینہ غی 12 تاریخ ناہہ ڈوگرہ آرٹ تے ثقافت غو منفرد نمونو ملیو۔ ڈاکٹر جتندر سنگھ جھیڑا اڈھمپور لوک سبھا نشست تیں نمائندگی کرن آلا ممبر پا رلیمنٹ وی ہیں نے ڈوگرہ فنکار گوری ناتھ ناہہ نوی سارنگی پیش کی تھی اور وزیر اعظم نریندرمودی نے وی اپنا حالیہ من کی بات پروگرام مانہہ گوری ناتھ غی تعریف کی تھی۔ آکاشوانی سنگ گل کرتاں واں گوری ناتھ نے اس طرح کہیو۔ بانٹ۔۔

Reasi Poshan Mela

صحت تے خوراک بارے سماجی بیداری ناہہ بہتر بنان کا سلسلہ مانہہ ڈپٹی کمشنر ریاسی وشیش مہاجن نے ”وین پو شن آن وہیل“ پہل ناہہ ضلع ریاسی واسطے بری جھنڈی دسی۔ گڈی غے ذریعی چلایا گیا اس بیداری پروگرام غے تحت لوکاں ناہہ محکمہ پو شن غی طرفوں چلائی جا رہی اسکیمان غی جانکاری دتی جائے گی۔ یوہ بیداری پروگرام ضلع ریاسی غی پو شن ٹیم نے ضلع پروگرام افسر پو شن محمد انور بانڈے غی قیادت مانہہ منعقد کیو ہے۔ اس موقعہ و ر بولتاں واں ڈی سی ریاسی وشیش مہاجن نے خوراک تے صحت کا معیار ناہہ بہتر بنان واسطے لوکاں غی اہمیت ناہہ باندے رکھیو۔ انہاں نے محکمہ پو شن غی طرفوں ضلع ریاسی کا دور دراز علاقاں مانہہ سرکاری غی اہم اسکیمان غی جانکاری دین کا سلسلہ مانہہ کوششاں غی تعریف کی۔ اس موقعہ و ر آکاشوانی سنگ گل کرتاں واں ضلع پروگرام افسر محمد انور بانڈے نے اس طرح کہیو۔ بانٹ۔۔

Ramban Cooperatives

محکمہ امدادِ باہمی نے ضلع رام بن مانہہ 71 ووں آل انڈیا کوآپریٹیو ہفتو منان واسطے وکست بھارت غی تعمیر مانہہ امدادِ باہمی کا رول موضوع غے تحت منان واسطے سرگرمیں تیز کر دتی ہیں۔ یوہ ہفتو 14 تیں 20 نومبر توڑی منایو جا رہیو ہے۔ اس ہفتہ کا جشن ناہہ منان واسطے اڈیشنل ضلع ترقیا تی کمشنر روشن لال غی صدارت مانہہ اک بیداری پروگرام منعقد ہوؤ۔ اس موقعہ و ر ڈپٹی رجسٹرار کوآپریٹیو سو سائٹیز رام بن نتاشا

نا ئر نے امدادِ باہمی محکمہ غی طرفوں ضلع مانہہ انجام دتی گئی سرگرمیاں، حصولیابیوں اور کم کاج پارے پاور پونٹ پرزنٹیشن غے ذریعے تفصیلی جانکاری دتی۔

یہ خبر تم آکاشوانی جموں تیں سن رہیا ہیں خبراں غا باقی حصہ نال ظفر اقبال۔

Samba Drive

اج سانہہ تے وجے پور مانہہ بچہ مزدوری مخالف مہم غے تحت دو بچاں نانہہ مزدوری کرن توں بچایو گیو جہیڑا جے مزدوری غا پیشہ سنگ جڑیا وا تھا۔ یاہبچہ مزدوری مخالف مہم سانجا طور و سماجی بہبود محکمہ، لیبر محکمہ تے صحت محکمہ غی طرفوں پین انڈیا ریسکیو تے بچہ مزدوری مخالف مہم غے تحت چلائی جا رہی تھی۔ ضلع سانہہ غا سماجی بہبود محکمہ غا افسر نواز شریف نے اس مہم غی سرپرستی کر رہیا تھا۔ قابل ذکر ہے جے پین انڈیا مہم غے تحت ضلع سانہہ غا اُن بچاں غی پشان کر غے جہیڑا جے مزدوری پیشہ سنگ جڑیا پین اُن نانہہ مزدوری پیشہ توں باہر کڈنو ہے۔ ضلع سانہہ غی بکھ بکھ جگہاں جن مانہہ بیکری غی دکان، ہوٹل تے گڈیاں غی مرمت آلی جگہ شامل پین اُن غی نشان دہی کر غے ات کم کاج کر رہیا بچاں نانہہ مزدوری پیشہ توں باہر کڈنو ہے۔ اس سلسلہ مانہہ ضلع سانہہ غا سماجی بہبود محکمہ غا افسر نے آکاشوانی سنگ گل کرتاں واں اس طرح کہیو۔ بانٹ۔۔

kathua Muncipal

میونسپل کو نسل کٹھوعہ نے صفائی ستھرائی و شہر مانہہ نظر رکھن واسطے اُن جگہاں ورسسی سی ٹی وی کیمرہ نصب کیا پین جن تھایاں وں لوک گند جمع کریں۔ میونسپل کونسل غا چیف ایگزیکٹو افسر امت شرما نے کہیو جے اُنہاں نے یوہ قدم ضلع ترقیاتی کمشنر کٹھوعہ غی ہدایت غے مطابق کیو ہے۔ جناب امت شرما نے مزید کہیو جے سی سی ٹی وی کیمرا نصب کرن گو اک مقصد یوہ وی ہے جے کجھ لوک کچرا دان توں باہر ہی گند سٹ آویں جن وں نظر رکھی جائے گی۔ اُنہاں نے مزید کہیو جے سی سی ٹی وی کیمرا شہر نانہہ صاف رکھن مانہہ اہم کردار ادا کریں گا۔ آکاشوانی سنگ گل کرتاں واں میونسپل کو نسل غا سی ای او نے اس طرح کہیو۔ بانٹ۔۔

اس غے نال ہی خبراں غو یوہ بلیٹن ختم ہوؤ۔